

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Prečišćeni tekst i 37/14 - Ispravka) i člana 9. stav (1) tačka h), 73. i 75. stav (2) Zakona o visokom obrazovanju ("Službene novine Kantona Sarajevo", broj 42/13 - Prečišćeni tekst i 13/15), Vlada Kantona Sarajevo je, na prijedlog Ministarstva za obrazovanje, nauku i mlade, na 46. sjednici održanoj 16.06.2016. godine, donijela

ODLUKU

O PROŠIRENJU BROJA STUDENATA KOJI SE MOGU UPISATI U PRVU STUDIJSKU GODINU I I II CIKLUSA I INTEGRIRANOG STUDIJA U STUDIJSKOJ 2016/2017. GODINI IZ KATEGORIJE DJECE ŠEHIDA I POGINULIH BORACA, DJECE RATNIH VOJNIH INVALIDA, DJECE DOBITNIKA RATNIH PRIZNANJA I ODLIKOVANJA I DJECE BEZ OBA RODITELJA

I

Nalaže se fakultetima i akademijama u sastavu Univerziteta u Sarajevu proširenje broja studenata u kategoriji studenata koji sami finansiraju svoj studij, a koji je utvrđen Odlukom Vlade Kantona Sarajevo o broju i strukturi studenata koji upisuju prvu studijsku godinu I i II ciklusa i integriranog studija u studijskoj 2016/2017. godini (Plan upisa za studijsku 2016/2017. godinu), iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja i koji upisuju prvu godinu I i II ciklusa i integriranog studija u studijskoj 2016/2017. godini.

II

Proširenje broja studenata odnosi se na kandidate iz tačke I ove odluke koji ostvare uspjeh potreban za sticanje prava na upis u prvu studijsku godinu u studijskoj 2016/2017. godini i koji se na konačnoj rang-listi kandidata nalaze u okviru broja studenata koji je utvrđen Odlukom Vlade Kantona Sarajevo o broju i strukturi studenata koji upisuju prvu studijsku godinu I i II ciklusa i integriranog studija u studijskoj 2016/2017. godini.

III

Fakulteti i akademije Univerziteta u Sarajevu će kandidate iz tačke I i II ove odluke osloboditi plaćanja troškova studija uz proširenje odobrene kvote za broj kandidata koji je oslobođen troškova studija, kandidatima koji će plaćati svoj studij.

IV

Obavezuju se fakulteti i akademije Univerziteta u Sarajevu da Ministarstvu za obrazovanje, nauku i mlade Kantona Sarajevo, u skladu sa članom 76. Zakona o visokom obrazovanju, nakasnije sedam dana nakon početka studijske 2016/2017. godine dostave konačan spisak svih upisanih studenata u svim statusima (u elektronskoj formi), uz naznaku imena i prezimena studenta, statusa u kojem je student upisan, kategorije iz tačke I ove Odluke kojoj student pripada, naznakom broja bodova koji je potreban za sticanje prava na upis u prvu studijsku godinu te naznakom broja bodova koji je ostvario svaki student odnosno kandidat koji se prijavio na konkurs za upis.

V

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-21278-9.2/16

16. juna 2016. godine

Sarajevo

Premijer
Elmedin Konaković

Na osnovu člana 19. stav (1) tačka 2), člana 21. st. (1) i (4) i člana 23. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10), čl. 26. i 27. stav (2) Zakona o tržištu vrijednosnih papira ("Službene novine Federacije BiH", br. 85/08, 109/12 i 86/15), a u vezi sa tačkom II stav (1) Odluke o uslovima i procedurama emisije obveznica Kantona Sarajevo ("Službene

novine Kantona Sarajevo", broj 22/16) i čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), Vlada Kantona Sarajevo, je na 46. sjednici održanoj 16.06.2016. godine, donijela

ODLUKU

O ZADUŽENJU KANTONA SARAJEVO PUTEM EMISIJE OBVEZNICA KANTONA

I

Odobrava se zaduženje Kantona Sarajevo (u daljem tekstu: Kanton) putem emisije obveznica radi prikupljanja sredstava za finansiranje budžetskog deficita u skladu sa članom 1. Budžeta Kantona Sarajevo za 2016. godinu, u iznosu do 10.000.000,00 KM (slovima: desetmiliona KM).

Emisija obveznica će se izvršiti javnom ponudom putem aukcije na berzi.

II

Osnovni elementi obveznica iz tačke I ove odluke su:

- Emitent: Kanton Sarajevo, Reisa Džemaludina Čauševića
- Redni broj emisije: 1. (prva) emisija
- Privremeni simbol: MFKSJP01
- Klasa vrijednosnih papira: obveznica sa fiksnim kuponom
- Broj obveznica: 10.000
- Nominalna vrijednost obveznice: 1.000,00 KM
- Ukupna vrijednost emisije: 10.000.000,00 KM
- Dospijanje: 7 godina
- Visina kamate: metod višestruke cijene
- Rok za isplatu kamate: polugodišnje, od datuma poravnjanja
- Isplata glavnice: jednokratno na datum dospijanja
- Datum aukcije: 20.09.2016. godine
- Kriterij uspješnosti emisije: upis i uplata najmanje 60% ukupnog broja obveznica
- Metod aukcije: anonimna aukcija

III

Komisija za vrijednosne papire FBiH odlučuje o zahtjevu Kantona za odobrenje emisije obveznica donošenjem rješenja.

Kanton će pripremiti prospekt emisije u skladu sa čl. 32. i 33. Zakona o tržištu vrijednosnih papira ("Službene novine Federacije BiH", br. 85/08, 109/12 i 86/15).

IV

Javni poziv za učestvovanje u emisiji obveznica Kantona objavljuje se na internet stranicama Ministarstva finansija Kantona Sarajevo (u daljem tekstu: Ministarstvo), agenta emisije, i Sarajevskoj berzi-burzi vrijednosnih papira d.d. Sarajevo (u daljem tekstu: SASE) i u dnevnim novinama u Federaciji BiH, najkasnije sedam dana prije dana održavanja aukcije.

Kanton je obavezan u roku od 3 (tri) dana od dana objave javnog poziva Komisiji za vrijednosne papire FBiH dostaviti dokaz da je poziv objavljen.

V

Obveznice se emituju u nematerijalizovanom obliku i registruju kod Registra vrijednosnih papira u Federaciji Bosne i Hercegovine (u daljem tekstu: RVP). Ministarstvo sa RVP zaključuje ugovor o poslovima registracije i vođenja obveznica.

Obveznice se izdaju u originalnoj valuti KM, s tim da se njihova vrijednost veže za vrijednost EUR (EUR valutna klauzula) gdje je vrijednost na dan izdanja jednaka fiksnoj vrijednosti od EUR = 1,95583 KM. U slučaju promjene vrijednosti EUR za KM, primjenjivat će se srednji kurs EUR za KM prema kursnoj listi Centralne banke Bosne i Hercegovine na dan izmirenja obaveza po obveznicama.

Ne postoje nikakva ograničenja u prenosu obveznica.

VI

Vlasništvo nad obveznicama stiže se na dan poravnanja upisom obveznica na odgovarajuće račune vrijednosnih papira koji se vode kod RVP i vlasniku daje pravo naplate nominalne vrijednosti glavnice i kamate.

Sredstva za izmirenje obaveza iz stava 1. ove tačke osigurat će se iz Budžeta Kantona Sarajevo.

VII

Obveznice iz tačke II ove Odluke mogu se otkupiti prije roka njihovog dospijea.

VIII

Prodaja obveznica vrši se putem aukcije na SASE metodom višestruke cijene. Nalozi se ispostavljaju unošenjem prinosa na dva decimalna mjesta.

Cijena obveznice se utvrđuje na osnovu sljedeće formule:

$$CIJENA = \left(\frac{100 \times \frac{stopa}{100}}{1 + \frac{stopa}{100} \times DSC} \right) + \left(\frac{100 \times \frac{stopa}{100}}{1 + \frac{stopa}{100} \times DSC} \right) \left(100 \times \frac{stopa}{100} \times \frac{DSC}{1} \right)$$

DSC = broj dana od datuma poravnanja do narednog kuponskog datuma,

E = broj dana u kuponskom periodu u koji ulazi datum poravnanja,

N = broj kupona plativih između datuma poravnanja i datuma isplate,

A = broj dana od početka kuponskog perioda do datuma poravnanja.

IX

Ministarstvo zadržava pravo da prihvati ponudu u cjelini, djelimično ili da odbije sve ponude za kupovinu.

X

Poslove po osnovu emisije obveznica obavlja Ministarstvo. Ministarstvo zaključuje ugovor sa SASE, bankom depozitarom, agentom emisije o obavljanju poslova u emisiji obveznica i Registrom vrijednosnih papira kao platnim agentom.

XI

Aukcija obveznica na primarnom tržištu obavlja se preko aukcijske platforme berzanskog trgovinskog sistema (u daljem tekstu: BTS) SASE u periodu od 9:00 do 13:00 sati osim ako u javnom pozivu nije drugačije naznačeno.

Ponude za kupovinu obveznica unose se u BTS kao kupovni nalozi u periodu od 9:00 do 10:00 sati i u tom periodu dozvoljene su izmjene prinosa i količine iz kupovnog naloga kao i povlačenje kupovnih naloga.

Ponuda za prodaju obveznica unosi se kao prodajni nalog u BTS u periodu od 10:00 do 13:00 sati.

XII

Ovlaštena osoba Ministarstva, za izdavanje naloga za prodaju obveznica Kantona na osnovu unesenih kupovnih naloga, izdaje prodajni nalog.

XIII

Nakon obavljenog poravnanja RVP registruje obveznice u skladu s ugovorom i o tome obavještava SASE i Ministarstvo.

Na osnovu izvještaja RVP o registraciji, Ministarstvo dostavlja zahtjev SASE za uvrštavanje obveznica na Kotaciju SASE.

XIV

Za realizaciju ove odluke, izvještavanje o nastaloj obavezi za Kanton i poduzimanje ostalih aktivnosti u vezi s emisijom obveznica zadužuje se Ministarstvo.

XV

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-21278-11/16

16. juna 2016. godine
Sarajevo

Premijer
Elmedin Konaković

Na osnovu člana 26. i 28. stav 3. Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka) i člana 12a. stav 1. tačka 4. Odluke o preuzimanju prava osnivača Javne ustanove "Pozorište mladih" Sarajevo ("Službene novine Kantona Sarajevo", br. 3/99 - Prečišćeni tekst, 33/07 i 1/13), Vlada Kantona Sarajevo je na 46. sjednici, održanoj 16.06.2016. godine, donijela

RJEŠENJE

**O RAZRJEŠENJU DVA ČLANA UPRAVNOG ODBORA
JAVNE USTANOVE "POZORIŠTE MLADIH"
SARAJEVO**

I

Razrješavaju se dužnosti člana Upravnog odbora Javne ustanove "Pozorište mladih" Sarajevo jer Skupština Kantona Sarajevo nije usvojila Izvještaj o radu i finansijskom poslovanju za 2015. godinu:

1. Midhat Kerla, član
2. Ismir Fazlić, član (ispred ustanove).

II

Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-21278-14.1/16

16. juna 2016. godine
Sarajevo

Premijer
Elmedin Konaković

Na osnovu člana 26. i 28. stav 3. Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), člana 25. stav 2. Zakona o ustanovama ("Službeni list RBiH", br. 6/92, 8/93 i 13/94) i člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), Vlada Kantona Sarajevo je na 46. sjednici, održanoj 16.06.2016. godine, donijela

RJEŠENJE

**O IMENOVANJU VRŠIOCA DUŽNOSTI DVA ČLANA
UPRAVNOG ODBORA JAVNE USTANOVE
"POZORIŠTE MLADIH" SARAJEVO**

I

Za vršioce dužnosti dva člana Upravnog odbora Javne ustanove "Pozorište mladih" Sarajevo na period od najviše tri (3) mjeseca imenuju se:

1. Alma Muratović, član
2. Mirsada Muminaović, član (ispred ustanove).

II

Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-21278-14.2/16

16. juna 2016. godine
Sarajevo

Premijer
Elmedin Konaković

Na osnovu člana 26. i 28. stav 3. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćen tekst i 37/14), a u vezi sa članom 9. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), tačkom V stav 2. Odluke o standardima i kriterijima za imenovanje na poziciju predsjednika i članova Upravnog odbora Fonda Kantona Sarajevo za izgradnju i